

CONVENIO ENTRE O INSTITUTO GALEGO DE PROMOCIÓN ECONÓMICA E A FUNDACIÓN EOI PARA O DESENVOLVEMENTO DE CENTROS DE ALTO RENDEMENTO EMPRESARIAL (CARE) PARA EMPRESAS GALEGAS

MEMORIA XUSTIFICATIVA

O director da Área de Competitividade do Instituto Galego de Promoción Económica (IGAPE)

DECLARA:

Que este ente ten previsto formalizar coa Fundación EOI o instrumento convencional arriba referido por un período de vixencia que abrangue dende o día da súa sinatura ata o o 31 de decembro de 2027.

Que o instrumento convencional ten por obxecto:

Desenvolver os termos da colaboración entre EOI e IGAPE para levar a cabo actuacións formativas para persoas empregadas en empresas orientadas ao desenvolvemento e plena utilización do seu capital humano. O obxecto deste convenio é levar a cabo 15 edicións definidas cada unha como programas independentes do proxecto CARE na Comunidade Autónoma de Galicia.

Os programas CARE caracterízanse por constituír un itinerario flexible de apoio á mellora da profesionalidade, actualización de coñecementos e adquisición de competencias que redundarán en mellorar a competitividade empresarial. O programa formativo combina talleres de asistencia obrigatoria con sesións grupais voluntarias e mentores individuais que se axustan ás necesidades específicas das persoas que se inscriben no CARE. Os programas poderán ser xeneralistas ou sectoriais. Estímanse 30 horas de talleres transversais e catro bloques de 12 horas de talleres voluntarios temáticos (total 78 horas de clase/taller). O programa irá acompañado de 20 horas de mentorización individual nas que se traballará nun proxecto técnico e de desenvolvemento persoal. Os destinatarios das accións formativas serán persoas empregadas por conta propia ou allea en activo en empresas ou entidades privadas de calquera sector de actividade. Poderán asistir ata 3 persoas por empresa.

O total de beneficiarios das quince edicións do proxecto estímase en 300 persoas, repartidas 50% mulleres, 45% homes, e cun 5% non binario.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:

I. O Igape é a axencia de desenvolvemento rexional de Galicia, con natureza xurídica de ente de dereito público con personalidade xurídica e patrimonio de seu, adscrito á Consellería

de Economía e Industria. Entre os seus obxectivos fundacionais están os de fomentar a creación de novas empresas e facilitar servizos de asesoramento, planificación, xestión, financiamento, formación, localización, seguimento e, en xeral, calquera outro que poida contribuír á creación e desenvolvemento das empresas e a mellora competitiva e innovación do sistema produtivo galego.

II. EOI é unha fundación do sector público estatal, adscrita ao Ministerio de Industria e Turismo a través da Secretaria de Estado de Industria, dedicada a formar profesionais, producir e difundir coñecemento e ofrecer servizos de valor a empresas, emprendedores e administracións, nos valores dunha economía aberta, social, verde e dixital. Nas súas actuacións de apoio a persoas empregadas destacan os programas de formación upskilling financiados polo FSE+. Estes programas circunscribíense dentro da Memoria de Operacións EPYME, aprobada polo Organismo Intermedio o 25 de outubro de 2023 dentro do Programa FSE+ de Educación e Formación, Emprego e Economía Social (EFESO) CI2021ES05SFPR002, aprobado en Decisión de Execución da Comisión do 19 de decembro de 2022 e regulado no Regulamento de disposicións comúns (UE) 2021/1060 do Parlamento Europeo e do Consello do 24 de xuño de 2021 e polo Regulamento UE 2022/1057 do Parlamento Europeo e do Consello polo que se establece o Fondo Social Plus (FSE+) tamén aprobado con data 24 de xuño de 2021.

III. As partes estiman necesario avanzar no desenvolvemento de medidas de apoio á formación de traballadores conseguindo un impacto significativo que axude a transformar o modelo produtivo cara a actividades que xeren maior valor ao ter traballadores preparados para os cambios e con iso aumentar a taxa de supervivencia dos negocios.

IGAPE cofinanciará o 40 % do custo dos programas por importe de catrocentos corenta e catro mil euros (444.000 €) para todo o período de vixencia do convenio. EOI alcanzará o resto do custo dos programas, seiscentos sesenta e seis mil euros (666.000 €), con cargo ao Programa Operativo do Fondo Social Europeo e o Ministerio de Industria e Turismo.

EOI contribuír á execución dos programas mediante o desenvolvemento das seguintes actividades:

- a) Dirección e execución académica dos programas.
- b) Deseño e adaptación dos contidos dos programas.
- c) Administración dos programas.
- d) Relación coa Unidade Administradora do Fondo Social Europeo.
- e) Selección de alumnos e profesores.
- f) Contratación e pago do profesorado.
- g) Achega da documentación docente.
- h) Contratación dun seguro de accidentes para alumnos en programas presenciais e semipresenciais.
- i) Avaliación dos alumnos.
- j) Coordinación central de alumnos e profesores.
- k) Coordinación e realización de accións difusión, comunicación, e publicitarias.

IGAPE contribuír á execución dos programas mediante o desenvolvemento das seguintes actividades:



- a) Colaboración con EOI na captación de alumnos/beneficiarios.
- b) Colaboración con EOI, en función de dispoñibilidade, na disposición da infraestrutura e o equipamento para o desenvolvemento das actividades de carácter presencial.
- c) Colaboración e coordinación na promoción e difusión dos programas, de acordo cos criterios e directrices de EOI, que en todo caso realizaranse de forma consensuada e co estricto cumprimento da normativa comunitaria e nacional aplicable.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Este convenio tramítase de conformidade co disposto na Orde da Consellería de Economía e Facenda do 11/02/1998 (DOG nº 34 de 19/02/1998 pola que se regula a tramitación anticipada de expedientes de gasto. En todo caso a disposición ou o compromiso de gasto quedará condicionada á existencia de crédito adecuado e suficiente no momento da súa firma.

Santiago de Compostela,